

SAMSTARFSSAMNINGUR

Garðabæjar og Knattspyrnufélags Garðabæjar (KFG)

Með samningi þessum er kveðið á um gagnkvæmar skyldur samningsaðila um útfærslu á íþróttastarfi KFG í Garðabæ.

1) Tilgangur og markmið

- a) KFG hefur það að markmiði í starfsemi sinni að bjóða ungmennum skipulagt íþróttastarf undir leiðsögn vel menntaðra og hæfra leiðbeinenda þar sem forvarnargildi íþróttar er haft að leiðarljósi.
- b) Garðabær skal treysta fjárhagslegan rekstrar- og starfsgrundvöll félagsins með samkomulagi um afnot íþróttamannvirkja og beinum fjárframlögum sem sundurgreinast í rekstrarreikningum félagsins.

2) Greiðslur til KFG vegna verkefnisins

- a) Á gildistíma samnings þessa greiðir sveitarfélagið KFG árlega kr. 900.000,- fyrir framkvæmd samningsins.
- b) Fjárhæðir framlaga samkvæmt þessari grein skulu endurskoðaðar í samræmi við forsendur sem lagðar eru fram við gerð fjárhagsáætlunar Garðabæjar.

3) Samskipti aðila

- a) Aðalstjórn KFG annast samræmingu á starfsemi félagsins og skal beina erindum félagsins til Garðabæjar.
- b) Íþróttar- og tómstundaráð Garðabæjar kemur fram fyrir hönd Garðabæjar varðandi nánari framkvæmd samnings þessa. Íþróttafulltrúi Garðabæjar annast dagleg samskipti við KFG varðandi framkvæmd samningsins. Framkvæmdastjóri KFG kemur fram fyrir hönd KFG við Garðabæ varðandi dagleg samskipti og nánari framkvæmd samnings þessa.

4) Skyldur félagsins

- a) Framkvæmdastjóri félagsins í umboði aðalstjórnar skal bera ábyrgð á fjármálastjórn félagsins og tryggja það að bókhald sé reglulega og réttilega fært.
- b) Allir styrkir og framlög Garðabæjar greiðast til aðalstjórnar og annast framkvæmdastjóri frekari ráðstöfun greiðslna í samræmi við samþykkt rekstrar- og fjárhagsáætlun félagsins.
- c) Aðalstjórn félagsins ber ábyrgð á skuldbindingum og rekstri félagsins og skuldbindur sig til að leggja fram gögn um fjárhagsleg málefni félagsins hverju sinni sem eftir því er leitað að hálfu fulltrúa Garðabæjar.
- d) Garðabær gerir þær kröfur að leiðbeinendur/þjálfarar séu með tilskilda þekkingu eða menntun í þeirri íþróttagrein sem stunduð er. Leiðbeinendur og þjálfarar þurfa að undirrita ráðningarsamning við félagið þar sem fram koma skyldur þeirra um að fylgja starfsreglum félagsins og vera til fyrirmyndar í stundvísi, framkomu og annan hátt er að íþróttinni lýtur. Allir sem að starfi með æskufólk á vegum félagsins koma þurfa að uppfylla skilyrði æskulýðslaga um hreint sakavottorð.

5) Áherslur í starfi KFG

- a) Félagið skal við framkvæmd samningsins huga sérstaklega að því að mæta þörfum barna og ungmenna með fatlanir í samræmi við stefnu Garðabæjar í málefnum fatlaðs fólks. Jafnframt skal félagið taka mið af jafnréttisáætlun Garðabæjar og skipuleggja starf sitt með þarfir og hagsmuni beggja kynja í huga.
 - b) Félaginu ber einnig að taka tillit til forvarnarstefnu Garðabæjar við skipulag starfsemi sinnar og framkvæmd viðburða.
 - c) KFG skal setja upp áætlanir varðandi eineltismál og njóta samvinnu við Garðabæ um fræðslu og viðbrögð við þeim. Þar skal byggt á forvarnastefnu bæjarins þar sem m.a. kemur fram áhersla á að uppræta og vinna gegn einelti, finna fyrirbyggjandi lausnir og auka samvinnu allra uppeldisaðila til að uppræta einelti í skólum og félagsstarfi í Garðabæ.
 - d) Þjálfarar félagsins sjá til þess að gengið sé vel um mannvirki og búnað og umgengnisreglur séu virtar. Þeim ber að tilkynna strax um það sem aflaga fer eða þarfnast viðgerðar. Þjálfurum ber að fylla út slysaskýrslur í hverju mannvirki fyrir sig í öllum tilfellum þar sem óhöpp eða slys verða.
 - e) Lögð skal áhersla á að á vegum KFG verði rekið knattspyrnustarf og að tekið verði mið af stefnu ÍSí um íþróttir ungmenna. Aðalstjórn ber ábyrgð á að félagið uppfylli skilyrði reglna til að teljast fyrirmyndarfélag ÍSí og starfi samkvæmt þeim markmiðum sem um slík félög gilda. Aðalstjórn ber einnig ábyrgð á að félagið og allar deildir þess kynni sér, innleiði og starfi samkvæmt leiðbeiningum og verklagsreglum ÍSí um kynferðislegt áreiti í íþróttum.
- 6) Félagið skal sýna fram á árangur af félagslegri og fjárhagslegri starfseminni sinni í ársskýrslum með samanburði við upphafleg markmið.

7) Gildistími og endurskoðun


Samningur þessi gildir til 31. desember 2020. Hvor aðili um sig getur óskað eftir endurskoðun á honum á samningstímanum.

Garðabæ, maí 2018

F.h. Garðabæjar


Gunnar Einarsson, bæjarstjóri

F.h. KFG


Lárus Guðmundsson, formaður